

HOTELIER EWALD BIEMANS HONRA COMO PIONERO DI TURISMO EUROPEO PA ARUBA

ORANJESTAD [AAN] Siguiendo e World Travel Market trade fair na London, Inglaterra, e Aruba Tourism Authority-Europa, dirigi door di Rene Nieuwkerk, cu oficina na Den Haag, a organisa

un "thank You" party pa e pioneronan, cu cual esfuerzo a trece e bishitantenan di Europa pa Aruba. Esaki a ser teni na e "Tropicana" cu ta un paraiso tropical cu un piscina enorme y hardinnan, tabata

un tremendo exito cu 374 travel agents, wholesalers y representativonan di e Curacao Tourism Development Corporation na Hulanda cu a yuda organiza e fiesta aki.

Coby Angela a presenta e

"destacado logro como pionero di e viahamento di Europa pa Aruba" durante e fiesta aki na Ewald Biemans, managing director di Bucuti Beach resort y general manager di Manchebo Beach Resort, y a

mentiona: "sr.Biemans ta e prome hotelier na Aruba promoviendo na Hulanda y otro paisnan Europeo, no solamente su hotelnan, pero tambe Aruba y Antillas Hulandes como e destinacion, y ki ora cu cooperacion a ser solicita, semper e tabata cla pa duna su aporte." Sr.Biemans su vision na 1980 pa promove Aruba den Europa for di e tempo ey a resulta den mas di 54 mil bishitante pa Aruba tur aña. sr.Biemans a duna di conoce cu: "credito tin di ser duna na Rory Arends (e tempo ey director di Aruba Tourism Authority na Aruba) cu a comparti mi vision, y cu esaki lo no tabata posibel sin dje".

Mas di e premionan a bay pa KLM representa door di Rene Hanssens, KLM tour coordinator pa Central y Sur America.

E di tercer premio a bay pa Henry Martinez, di e gabinete plenipotenciario, cu a ser nombra na 1976 y cu a dedica su tempo, promoviendo e seis islanan di Antillas for di su oficina na Den Haag.

Sr.Angela a menciona cu sr.Martinez semper a duna su asistencia unda cu esaki tabata necesario.